

فيديو # ٤٨٤ من مقاطع حظر التجول تدبر سورة الدخان # ٥

الآيات ٠٣ - ٧٣

فاضل سليمان

فيسبوك السلام عليكم ورحمة الله وبركاته. اهلا بحضراتكم في المقطع رقم ربعمية اربعة وتمانين من مقاطع حظر التبول الحلقة الخامسة من حلقات تدبر سورة الدخان آآ ارجو من حضراتكم تجيبوا المصاحف وفي عيد الاضحى المبارك اقول لكم كل عام وانتم بخير. وتقبل الله منكم - [00:00:00](#)

اقرا معي الاية ثلاثين والاية واحد وثلاثين من سورة الدخان صورة رقم اربعة واربعين الاية ثلاثين واحد وثلاثين جاهزين اعوذ بالله السميع العليم من الشيطان الرجيم ولقد نجينا بني اسرائيل من العذاب المهين - [00:00:33](#)
من فرعون انه كان عاليا من المسرفين ولقد نجينا الواو دي واو عطفة. بتعطف على ايه في كزا احتمال اقرا معي الاية ثلاثين ولقد نجينا بني اسرائيل من العذاب المهين. ابن عاشور - [00:00:55](#)

التحرير والتنوير قال معطوفة على الاية اربعة وعشرين اقرا معي اربعة وعشرين ووراها ثلاثين على طول واترك البحر رهوا انهم جند مغرقون. ولقد نجينا بني اسرائيل من العذاب المهين اللي خلى ابن عاشور يقول كده هو ان في سورة الشعراء - [00:01:19](#)
ربنا ربط اغراق فرعون بانجاء بني اسرائيل وده شيء طبيعي يعني ده شيء ده شيء يعني آآ يعني منطقي جدا في سورة الشعراء ربنا قال وازلنا ثم الاخرين وانجينا موسى ومن معه اجمعين ثم اغرقنا الاخرين - [00:01:41](#)
لكن دكتور محمد ابو موسى. وده شيخ البلاغيين النهارده انتم عارفين انا اميل دايمنا للي يفسروا بالبالغة يرى ان الاية ثلاثين تشبه في بنائها الاية سبعتاشر ارجع معي كده بعينك للاية سبعتاشر - [00:02:00](#)

ولقد فتننا قبلهم قوم فرعون وجاءهم رسول كريم. الاية الاية ثلاثين ولقد نجينا بني اسرائيل من العذاب المهين. الايتين بدأوا بولا قد لقد قد حرف يفيد التشكيك لو جه مع الفعل المضارع. يعني لو قلت قد ينجح يبقى انا بشكك في انه ينجح ممكن ينجح ممكن ما ينجحش - [00:02:21](#)

لكن يفيد التوكيد لو جه مع الفعل الماضي. قد نجح ده خلاص نجح اكيد خلاص هو نجح اللام اللي قبلها اسمها لام القسم يعني في سورة الاحزاب ربنا بيقول لقد كان لكم في رسول الله اسوة حسنة اصلها والله لقد كان لكم في رسول الله بس - [00:02:50](#)
القزم القسم حذف وبقيت لام القسم لقد فيها توكيدين في قلب بعض يعني توكيد مركب من اقوى ادوات التركيب لام القسم ما عقد مع الفعل الماضي ركز بقى في الاية سبعتاشر وفي الاية ثلاثين. بص الاية سبعتاشر. ولقد فتننا قبلهم قوم فرعون - [00:03:12](#)
الكلام لقريش ولمشركي العرب في بداية كلام عن امة اقوى منهم مليون مرة واختبروا بنفس الاختبار. ولقد فتننا قبلهم قبل قبل قريش. قبل مشركي العرب قوم فرعون كمل سبعتاشر وجاءهم رسول كريم اللي هو سيدنا موسى. وقريش قالها رسول كريم اللي هو سيدنا محمد عليه الصلاة والسلام - [00:03:39](#)

ثم القصة بتوصل لاغراق فرعون رغم قوته. اقرا الاية ثلاثين. ولقد نجينا بني اسرائيل من العذاب المهين الكلام هنا لمين للمشركين وللصحابة مع بعض ان المؤمنين المضطهدين المعذبين ربنا نجاهم بعد ما اغرق الظالمين المسرفين - [00:04:06](#)
يعني متطرفين في ظلمهم احنا ترجمنا مشرفين على فكرة في ترجمة آآ اكستريمست مش اكسترا فاجنت ترجمها اكسترا ميستس يعني متطرفين. اقرا ثلاثين واحد وثلاثين بقى ولقد نجينا بني اسرائيل من - [00:04:28](#)

من العذاب المهين من فرعون انه كان عاليا من المسرفين فرعون كان عاليا متعاليا متعظما شايف نفسه من المسرفين المتطرفين في التعالي. المتطرفين في الزلم المتطرفين في ازالال الناس واهانة المؤمنين - [00:04:48](#)

بصوا في الاية ثلاثين ولقد نجينا بني اسرائيل من العذاب المهين. كانوا مستعبدين مهانين فسبحان من نجى المؤمنين واذل الطغاة الفراعين انتم متخيلين وقع نزول الكلام ده من فوق سبع سماوات على قلب النبي والمؤمنين - [00:05:10](#)

في اواخر العهد المكي شدة الاضطهاد المسلمين شاربين تلتاشر سنة اضطهاد وتعذيب. ويقوم نازل على قلبهم الكلام ده متخيلين وقعه عليهم هيبقى عامل ازاى. ولقد نجينا بني اسرائيل من العذاب المهين. يبقى انتم يا اللي بيعزبكم ابو جهل وابو لهب - [00:05:30](#) شوية العيال دول لا ربنا ممكن ينجيكم برضو والكلام ايضا لابو جهل وابو لهب وشوية العيال اللي معهم دول. انتم انتم ولا حاجة انتم عيال! انتم ايه جنب فرعون وقومه اصلا! ومع ذلك ربنا نجى منهم المؤمنين وغرقوا هم. لذلك لما - [00:05:54](#)

ابو جهل مات في بدر لما قتل وجه عبدالله بن مسعود صاحب راسه اللي قتلوه على فكرة معاذ ومعوذ ابن عفراء. شباب سنهم ستاشر سنة اثنين من الانصار هم اصروا يقتلوا ابو جهل. ليه - [00:06:07](#)

من اجل اخوانهم. هم ما اتعزبوش على ايه ، دول من انصار ولا شافوه عمرهم راحوا قتلوه واللي جر راسه ابن مسعود سيدنا محمد عليه الصلاة والسلام يقولوا مين هذا يا ابن مسعود؟ قال هذا ابو جهل قال الله اكبر هذا فرعون هذه الامة. فشوف التشبيه بين قريش وبين - [00:06:25](#)

آ قوم فرعون شعبان من فرنسا انت ذكرت لي ذكر فرعون وقومه بالجمع الايات دي كلها ما عدا الاية واحد وتلاتين بالمفرد. ما هو الكلام في الايات اللي قبلها كله عن الزلم - [00:06:45](#)

والزالم لا يستطيع ان يظلم وحده لابد من وجود حاضنة شعبية بتسهل له الزلم. لابد من وجود بطانة فاسدة تسهل له الزلم تسهله القتل هو اصلا قال ايه؟ ذروني اقتل موسى هو محتاج يستأذن مش محتاج يستأذن. لكن بيمهد الرأي العام - [00:07:04](#) لذلك سيدنا موسى كان بيخاطبهم كلهم بصيغة الجمع. اقرا معي من عشرين لاتنين وعشرين واني عدت بربكم ان ترجموه بيكلم الشعب كله على فكرة وان لم تؤمنوا لي فاعتزلون - [00:07:25](#)

فدعا ربه ان هؤلاء قوم مجرمون. لما وصلوا بقى ان هم مصرين على قتله ورجمه لكن الاية واحد وتلاتين الكلام عن فرعون وحده الزالم فرض نرجسي بيعبد نفسه بيحب نفسه فقط. اقرا واحد وتلاتين انه كان عاليا من المسرفين. ده هو - [00:07:41](#) لكن مش هيقدر يزلم لوحده طب اقرا معي اثنين وتلاتين وتلاتة وتلاتين ولقد اخترناهم على علم على العالمين واتينهم من الايات ما فيه بلاء مبين بيتكلم عن بني اسرائيل بيقول انه اختارهم ليكونوا هم الامة المؤمنة رغم وجود امم كثيرة في هذا الوقت. العالمين يعني الامم الموجودة وقتها - [00:08:03](#)

خلي بالك من كلمة على علم ولقد اخترناهم على علم على العالمين. يعني ربنا بيقول انا اخترتهم وانا عالم كويس بما سيحدث منهم وما سيصدر منه اوعوا حد يفتكر ان ربنا اخطأ في الاختيار لما اختار بني اسرائيل عبدوا العجل ولا قتلوا الانبياء ولا حاولوا آ يقتلوا سيدنا عيسى - [00:08:33](#)

ربنا كان يعلم ذلك. ربنا يعلم ومع ذلك اختارهم هم واتيناهم اقرا ثلاثة وتلاتين واتينهم من الايات ما فيه بلاء مبين. ربنا اختارهم تلاهم ابتلاهم بايات في ناس يقولوا الايات دي هي آ آ بعض الظواهر الكونية والمن والسلوى لآ - [00:08:59](#)

اقرا ثلاثة وتلاتين تاني واتينهم من الايات ما فيه بلاء مبين الايات هنا معناها الشرائع البقرة ما ننسخ من اية او ننسخها نأتي بخير منها او مثلها يعني ما ننسخ من شريعة او من حكم شرع - [00:09:29](#)

او ننسخها نأتي بتشريع اخر افضل منه او زيه كلمة بلاء مبين الايات ديك بلاء مبين بلاء مبين جت في القرآن الكريم مرة واحدة بس. غير المرة دي مع سيدنا ابراهيم في مسألة ذبح ابنه. في سورة الصافات احنا تدبرنا وناديناه ان يا ابراهيم قد صدقت الرؤيا -

[00:09:49](#)

انا كذلك نجزي المحسنين ان هذا لهو البلاء المبين. وفديناه بذبح عظيم. اذا البلاء المبين للمؤمن هو تنفيذ شرع الله واوامر الله اللي

ممكن تكون شاقة جدا فيها تضحية بنو اسرائيل - 00:10:15

وبني اسرائيل ربنا عاقبهم بتشديد احكام كثيرة جدا عليهم شدد عليهم في سورة النساء ربنا يقول فبظلم من الذين هادوا حرمنا عليهم طيبات احلت لهم. وبصدهم عن سبيل الله كثيرا - 00:10:38

الكلام هنا في اعداد لاتباع محمد صلى الله عليه وسلم انهم هياخدوا مكان بني اسرائيل وسينتقل اليهم العهد هياخدوا العبرة بقى من تجارب بني اسرائيل في ال عمران ربنا يقول - 00:10:55

كنتم خير امة اخرجت للناس. دي امة سيدنا محمد كنتم خير امة اخرجت للناس. تأمرون بالمعروف وتنهون عن المنكر وتؤمنون بالله خلي بالك اتنين وتلاتين ربنا يقول ولقد اخترناهم على علم على العالمين. وانتم يا مسلمين دلوقتي كنتم خير امة اخرجت للناس.

بس ده مشروط - 00:11:12

ليه؟ بشروط ايه؟ تأمرون بالمعروف وتنهون عن المنكر وتؤمنون بالله اذا ما عملتوش الحاجات دي هيسحب منكم هذا التكريم زي ما سحب التكريم من بني اسرائيل يسحب منكم انتم كمان - 00:11:38

نقطة مهمة جدا في التدبر لان بني اسرائيل واليهود ذكروا في القرآن اكثر من خمسين مرة خمسة وخمسين مرة بعيدا عن سيدنا موسى بنو بني اسرائيل واليهود بس ذكروا عشرات المرات في القرآن الكريم. ودي اشارة لاهمية هذه - 00:11:52

الامة بالنسبة لنا احنا محتاجين نفهمهم كويس ربنا لم يذكرهم كتير جدا كده علشان نضحك عليهم في مسلمين بيفرحوا فيهم ويشمتوا فيهم ويقعدوا يدحكوا وهم بيقرؤوا مسلا الاية مسلا ايه مثل الذين حملوا التوراة ثم لم يحملوها كمثل - 00:12:10

الحمار يحمل اسفارا. والمسلمين تضحك بتضحكوا على ايه اللي حملوا التوراة ثم لم يحملوها يعني لم يطبقوها ولم يقبلوا عليها ولم يحافظوا على تعاليمها زيهم زي الحمار اللي شايلى على ظهره - 00:12:33

كتب ولا هو فاهم فيها حاجة اللي يضحك على الكلام ده يبقى مش فاهم حاجة بصراحة يعني امال مثل الذين حملوا القرآن ثم لم يحملوه يبقى كايه كمثل الغزلان يعني - 00:12:49

حمير برضو ده القرآن اولى. على الاقل هو اخر الكتب وهو المهيمن على الكتب كلها. هو المعجز فاللي مش فاهم الاية اللي مش فاهم ان الاية بتكلمنا احنا كمسلمين وبتحزنا احنا يبقى عنده مشكلة الحقيقة ما دي مشكلة ان احنا طول عمرنا بنقرأ القرآن ومش فاهمين

- 00:13:02

الاية بتقول ايه؟ شف باقي الاية بتقول ايه؟ مثل الذين حملوا التوراة ثم لم يحملوها كمثل الحمير يحمل اسفارا بئس مثل القوم الذين كذبوا بايات الله. كل ايات الله بما فيها القرآن - 00:13:21

والله لا يهدي القوم الظالمين بتضحكوا على مين؟ بتضحكوا على مين؟ الكلام نازل لكم انتم ابكوا على نفسكم مش تضحكوا بتضحكوا على مين؟ الامة اللي هم عددهم في العالم كله النهاردة اربعتاشر مليون واحد وركعوا العالم كله بتضحكوا عليهم -

00:13:38

اصدروا قوانين في الامم المتحدة وفي معزم البلاد اللي في العالم تمنع انكار الهولوكوست كليا او جزئيا. عارفين يعني ايه او جزئيا عارفين يعني ايه جزئية في الفين وخمسة كاتب بريطاني اسمه ديفيد ايرفنج - 00:13:56

اتمسك البوليس النمساوي مسكه في النمسا واتزرع ثلاث سنين سجن وعنده تمانين سنة. عشان قال ان عدد اليهود اللي قتلهم هتلر في المحرقة مش ستة مليون الراجل ما انكرش المحروق - 00:14:12

قال بس رقم ستة مليون رقم كبير شوية يعني بالقانون لو حد قال لو انكر المحرقة جزئيا يعني لو حد قال اليهود اللي قتلهم هتلر خمسة مليون وتسعميت الف يلبس ثلاث سنين سجن - 00:14:26

في ظل كل حرية التعبير اللي موجودة النهاردة في العالم وفي الغرب والناس بتنكر وجود ربنا ومن حقها تنكر كل حاجة وتضرب بكل السوابت عرض الحائط الا الرقم المقدس. ستة مليون - 00:14:41

واحنا يا مسلمين اكثر ناس بنعاني من سوء استغلال حرية التعبير ومقدساتنا طول الوقت يساء اليها وتهان. طول الوقت يبقى

المفروض نسخر منهم ونضحك عليهم ولا ندرس نجاحهم؟ كيف اجبروا العالم كله على احترامهم - 00:14:55

واللي مش هيحترمهم هييجبروه على احترامهم غصب عنه. هم كلهم اربعناشر مليون في العالم كله دي امة تستحق الدراسة اللي عملوه غلط نتجنبه. بس اللي عملوه صح نتعلم منه. لا حرج في هذا ابدا. انتم فاكيرين ان القرآن ذم بني اسرائيل على طول الخط؟ لا مش صحيح - 00:15:12

مش صحيح انك تدبرنا في سورة السجدة. ربنا بيقول ايه عن بني اسرائيل؟ وجعلنا منهم ائمة يهدون بامرنا لما صبروا وكانوا في

اياتنا يوقنون مين قال ان القرآن على طول بيهدم بني اسرائيل؟ لا مش حقيقي - 00:15:31

كل قصص القرآن عشانك انت عشان تاخذ منها العبرة عشان تتعلم منها فما بالكم بقى باكثر قوم ذكر لهم قصص في القرآن ليه احنا

مصريين ما نتعلمش ابدا اقرا معي من اربعة وتلاتين لسته وتلاتين - 00:15:46

ان هؤلاء ليقولون ان هي الا موتتنا الاولى وما نحن بمنشرين فاتوا بابائنا ان كنتم صادقين بعض المنفصلين قالوا المقصود بها قوم

فرعون لكن ده مش صحيح اي حد يعرف الف به ايجييتولوجي - 00:16:09

اللي هو علم التاريخ الفراعنة ومصر القديمة وبتاع. يعرف ان المصريين كانوا يؤمنون بالحياة بعد الموت. وكان عندهم مراكب

الشمس اللي بيرسموها على جدران المعابد وييدفونها مع جسس الناس وهم بيدفونها عشان الارواح تسافر فيها للعالم الاخر -

00:16:34

مش المصريين هنا مش مقصود بها قوم فرعون. اقرا اربعة وتلاتين خمسة وتلاتين ان هؤلاء ليقولون ان هي الا موتتنا الاولى وما نحن

بمنشرين من اكبر جرائم من اكبر معاصي وخطايا بني اسرائيل هو انفصالهم عن تعاليم دينهم - 00:16:52

يعني اذا شئ ما عجبهمش في دينهم او بيضع عليهم مسئوليات ينكروه على طول ان هؤلاء ليقولون. وفعلنا معظم يهود العالم النهاردة

بيقولوا ما فيش بعث بعد الموت. بالرغم ان كتبهم ما زال فيها - 00:17:14

كلام عن العالم الاخر قولوا على السماء. السماوات يسموها السماوات من ده صعد الى السماوات لكن طبعا مش يعني حاجات كثير

جدا من النصوص اللي بتذكر العالم الاخر. والبعث والاخرة والحساب - 00:17:32

ازيلت من التوراة ومن التلمود فمعظم يهود العالم لا يؤمنوا بالبعث بعد الموت. وان كان ما زال موجود في الديانة اليهودية لحد

النهاردة ان هناك بعث بعد الموت. لكن طيب ان اقرأ معي اربعة وتلاتين وخمسة وتلاتين. ان هؤلاء ليقولون ان هي الا موتتنا الاولى وما

نحن بمنشرين - 00:17:50

يبقى هؤلاء اليهود ليقولون هي مودة وخلص وما فيش بعدها بعث ستة وتلاتين بابائنا ان كنتم صادقين. الاية دي بتجعل النص ايضا

ينطبق على مشركي العرب لان هم اللي قالوا كده - 00:18:15

وانكروا البعث بعد الموت وتحذوا النبي صلى الله عليه وسلم كذا مرة انه يأتي باجدادهم ويعيدهم الى الحياة. في سورة الجاثية اطلع

لي صورة لقدام. الصورة اللي جاية اسمها سورة الجاثية - 00:18:31

اطلع هات الصورة اللي جاية بعد الدخان. وهات لي الاية اربعة وعشرين وخمسة وعشرين في الجهة هات الاية اربعة وعشرين

وخمسة وعشرين في الجهتين وقالوا ما هي الا حياتنا نموت ونحيا وما يهلكنا الا الدهر - 00:18:45

يعني الزمن احنا زي الالات اللي مع الوقت بتدوب وبتبوز وما لهم وما لهم بذلك من علم ان هم الا يظنون. واذا تتلى عليهم اياتنا بينات

ما كان حجتهم الا - 00:19:02

ان قالوا انتوا بابائنا ان كنتم صادقين. فمشركي العرب برضو قالوا هذا الكلام. انكروا البعس والحساب. وهم اللي قالوا هاتوا اباءنا لو

انتم صادقين المشركين اللي عبدوا الاصنام في الجزيرة العربية او اللي عبدوا الملائكة. دول كانوا بيستبعدوا ايضا مسألة البعث بعد

الموت. في سورة الاسراء وردت مرتين - 00:19:23

بنفس الحرب يعني حرفيا نفس الاية وقالوا انكنا عظاما ورفاتا اننا لمبعوثون خلقا جديدا مرتين في سورة الاسراء سبعة وتلاتين

بقى اقرا سبعة وتلاتين في الدخان خير ام قوم تبع؟ - 00:19:44

والذين من قبلهم اهلكناهم انهم كانوا مجرمين تبع ناس كثير فعلا هو ملك اسم ملك في اليمن. لا تبع هو اسم هو لقب ملك اليمن. زي
فرعون مصر نجاشي الحبشة - 00:20:08

كسرى الفرس قيصر الروم. لكن لا يقال تبع الا على ملك يملك اليمن كلها. واليمن في الوقت ده كانت تنقسم الى ثلاث مناطق كبيرة
حمير وسبق وحضرموت اليمن في الوقت ده كانت مساحة ضخمة جدا مش زي اليمن دلوقتي خالص - 00:20:27

خالص اضعاف مساحة اليمن دلوقتي من ضمن الشبهات حول الاسلام يقول لك ايه هو ابرهة آآ ده كقصة خرافية. يعني ايه حاول
يغزو الكعبة بالفيل؟ الفيل علميا ما يقدرش يمشي مسافات طويلة - 00:20:48

ازاي الفيل هيمشي الاف الكيلو مترات من اليمن لمكة اليمن بينها وبين مكة ما فيش عشرين كيلو في الوقت ده الطائف اللي هي بينها
وبين مكة خمسة وخمسين كيلو دي كانت جوة اليمن - 00:21:04

فاليمن تاريخيا اكبر بكثير جدا من اليمن الحالية معظم عمان كانت يمن. معظم جنوب الجزيرة كله كان يمن كانت من اقوى الدول في
العالم والعجيب بقى السيدة عائشة روت لا حديث الرسول عليه الصلاة والسلام لا تسبوا تبعا فانه كان قد اسلم - 00:21:19

وفي رواية كان مؤمنا وهو اهتدى يقال اهتدى على يد حبرين من احبار بني اسرائيل لما غزى يثرب. اللي بعد كده اسمها المدينة لكن
زي ما قلنا اي ملك يملك اليمن يقال يقال له تبع يعني - 00:21:44

اللي اسلم ده اسمه ابو كرب اسعد. تبع اليمن ابو كرب اسعد المفسرين قالوا لعل الله اهلك قومه بعد موته. احنا عارفين بقى قصة سيل
العرم وآآ السد بتاع آآ سبق - 00:22:02

انهار والكلام ده كله الاية معناها ايه؟ هي بتكلم مشركي العرب ان مشركي العرب اللي مش خايفين من عقاب ربنا دول فاهمين انهم
اقوى من مين. من قوم فرعون ولا من قوم تب بعد هم على يعني مشركي العرب كلهم شوية قبائل بدائية - 00:22:17

جدا ولا حاجة جنب قوم فرعون وقومه تبع في الحضارة وفي القوة وفي كل حاجة. ازاي مش مش خايفين كده يعني الاية سبعتاشر
ولقد فتنا قبلهم قوم فرعون اقرا سبعة وتلاتين اهم خير ام قوم تبع - 00:22:36

والذين من قبلهم اهلكناهم. كل دول هلكوا انهم كانوا مجرمين وده بيؤيد كلامي عن اهمية اخذ العبرة من تجارب الامم السابقة بما
فيهم اليهود اقرأ معي ثمانية وتلاتين وتسعة وتلاتين - 00:22:54

وما خلقنا السماوات والارض وما بينهما لاعبين ما خلقناهما الا بالحق. ولكن اكثرهم لا يعلمون لن اتدبر الايتين دول الليلة امال قريناهم
ليه اول حاجة انا مش هيتدبرهم الليلة عشان مش عايز اطول عليكم واحنا في العيد. وتلاقي الدهون كبسة بقى على نفسك ومش
قادرين تركزوا معي اكثر من عشرين دقيقة - 00:23:13

الحاجة الثانية الايتين دول مهمين جدا وعايز اسيبهم عشان انتم تتدبروهم بنفسكم ليه ربنا قال وما خلقنا السماوات والارض وما
بينهما لاعبين في لاعبين يعني ايه؟ ايه دخل اللعب بالسياق بتاع السور - 00:23:42

فكروا وردوا علي في التعليقات كل سنة وانتم طيبين وتقبل الله منكم. وباذن الله السنة اللي جاية او اللي بعدها نكون بتدبر في
المسجد الاقصى وامتنا في حال افضل وقد فرج الله كرب المكرويين وفك اسر المأسورين. انه على ذلك قدير. وبالإجابة جدير -

00:24:00

اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا في فيما تحب وما زويت
عنا مما نحب فاجعله فراغا لنا فيما تحب. اللهم اجعل حبك احب الينا من اهلينا - 00:24:23

واموالنا ومن الماء البارد على الظمأ اللهم حبيبنا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب
ملائكتك وانبيائك ورسلك وعبادك الصالحين اللهم احبي قلوبنا بحبك. واجعلنا لك كما تحب. اللهم اجعلنا نحبك بكل قلوبنا -

00:24:44

ونرضيك بكل اجسادنا. اللهم اجعل حبنا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلاء
احزاننا وزهاب همومنا وعمومنا ومغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا -

اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون بحق كل حرف في كتابك تلوناه او تدبرناه. اكفنا واهلينا واخواننا شر كل من يكيد لنا ولهم. واحفظنا واياهم - [00:25:44](#)

من شرورهم ونجعلك اللهم في نحورهم. فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه ايد بنصرك المرابطين في الارض المباركة فلسطين - [00:26:04](#)

وانصرهم وانصر من نصرهم. واخذل من خذلهم وطهر المسجد الاقصى من الدنس فانهم لا يعجزونك اللهم من قضى منا بالوباء المنتشر فاكتبها له شهادة. ومن كان منا من احبابنا او من اخواننا او من اخواتنا او من مشايخنا او من علمائنا مريضا به او حاملا له فيلبسه ثوب الصحة والعافية عاجلا - [00:26:24](#)

غير اجل ومن لم يصب به فقه شره. وابعده عنه. ولا تسلطه الا على اعدائك واعداء دينك اوليائك اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك - [00:26:50](#)

وحدث على دعوتك وتعاهدت على نصره شريعتك. فوثق اللهم رابطتها. وادم ودها واهدها سبلها واملأها بنورك الذي لا يخبو. وشرح صدورنا بفيض الايمان بك وجميل التوكل عليك. واحيها يا ربنا بمعرفتك - [00:27:12](#)

يا مولانا على الشهادة في سبيلك انك نعم المولى ونعم النصير. والسلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا - [00:27:33](#)